

una man alta, *et caetera*; con altre particolarità, che non le credo; però non le scrivo.

Da poi disnar, fo pregadi. Fu fato capetanio al collo sier Domenego Dolfim, fo capetanio di le galie di Barbaria, qual era provedador a Castel Liom, fo primo balotato. Ave 91. Sier Zuan Francesco Venier, fo soracomito, *quondam* sier Moisè, 88. Et sier Piero Moro, fo a l'arsenal, e altri.

Ancora fo posto di far uno provedador per le camere da terra ferma, con l'autorità ave sier Hironimo Capello. Et ditto sier Hironimo Capello contradixè, dicendo haver fatto. Pur fu preso; et cussi fo fato poi sier Zuan Batista Bonzi, come dirò di soto al loco suo.

*Da Roma, di l' orator, di 25.* Come el zorno sequente dovea intrar el fiol dil papa, ducha di Valentines, in Roma; *etiam* li oratori di Rossia. Noto, in questo tempo a Roma vi andava assa' fiamengi e todeschi, *etiam* hongari, al jubileo; et si mostra el sabado la testa di San Piero et San Pollo, qual è a Santo Joanne; et la domenega si mostra el sudario.

Noto, Piero di Medici è a Milan, e Zulian a Bologna; il cardinal a Zenoa; la moglie di Piero, Orsina, è a Roma; e il fiol, stato fin hora con sier Hironimo Lipomano dal banche, à anni 7, è stà mandato a Roma; et il cardinal è stato in Franza, poi in Ingaltera. Et madona Lugrecia, soa sorella e moglie di Giacomo Salviati, sta a Fiorenza. Concludendo, in Fiorenza è gran division, et si hanno publicati amici dil re di Franza; voleno tuor il prefeto a l'horo soldo, e hanno rimesso ducati 50 milia a Liom, per far 3000 sguizari in ajuto dil re *etc.*

*Di Soria.* Eri vene nova di la morte in . . . di sier Hironimo Barbarigo, de sier Francesco, era merchadante de li per li Prioli.

*Di Milan.* Si have missier Zuan Jacomo Triulzi prima messe a sacho Mortara; poi el signor Lodovico l'ave, e andò con le sue zente li. *Item*, dimandava danari a porta a porta di Milan, quasi con la bareta, per mantenerli; e li citadini rispondea non poter, et voleano darli ducati 25 milia al mexe e non più. Todeschi si dice vien in ajuto di esso signor Lodovico, *videlicet* el ducha di Bavaria; et il re di romani fa una dieta, et vien cavali borgognoni.

51

*Copia di una letera di credenza  
portata a la Signoria nostra per li oratori di Rossia.*

Zuane, per la gratia de Dio, signor de tutta la Rossia, et gran conte de Valodimeria et Moschovia et Novograd et de Pscovia et Tueria et de Ungaria et

Uscheschia et Permia et de Bulgoria adesso a l'onorevolissimo et illustrissimo conte Augustim Barbarigo, venetiam, havemo mandado fino al papa et anche a vuj i ambassatori nostri Demetrio, fiol de Zuane Ralevo, et Dimitrofano Caracirova, per mie facende, et quello che da vuj rechiederano per i besogni nostri, o vero quello che faremo dir per essi nostri ambassatori, Dimitri et Dimitrifano, sarano creti, et obtenerano quanto al bisogno; et se qual cossa fusse a preposito nostro ne la nostra dition, et de bisogno, nui simelmente havessimo caro far per vuj.

Scripta in Moscovia, a dì 20 fevrer 1498, *anno a creatione mundi 7006*, mesi 6.

*A tergo:* A l'honorevolissimo et illustrissimo conte Agustim Barbarigo, venetiam.

È da saper, questi oratori di Rossia veneno a Venecia a dì 25 novembro 1499, et alozono a San Filippo Giacomo, in chale di le Rasse, et fonno a la Signoria, poi andono a Roma.

Questa è la mansion fa la Signoria al ducha di Moscovia:

*Illustrissimo et excellentissimo domino, Joanni magno duci Russiae, Valadenariae, Muscoviae, Novogradiae, Piscoviae, Pitferiae, Tigroschi, Azschi, Permiae et Blagareschi etc. fratri nostro carissimo.*

*Die X februarij 1499 in notatorio 23.*

Vacante nuper lectura linguæ latinæ, per obitum clari et eruditissimi viri Georgij Vallæ, qui in mane publice profitebatur in hac urbe nostra, in quem locum, cum quispiam alius subrogari merito minime videatur quam eruditissimus vir et de latina lingua optime meritis, Marcus Antonius Sabellicus, qui publice etiam profitetur in hac civitate nostra, ideo infrascripti domini consiliarij, animo volventes virtutem, eruditionem et demum culmen eloquentiæ, quibus præditus est dictus clarus vir, statuerunt et decreverunt quod ipse dominus Marcus Antonius Sabellicus sit ille qui primum obtineat locum, quem jure meritoque obtinere debet. Sic jusserunt ad perpetuam rei memoriam annotari debere.

Consiliarij fuerunt sier Joannes Donato, sier Lucas Pisani, sier Marcus Fuscuro, sier Marcus Barbo.

*Verssi fati a Ferrara 1499 di fevrer  
per Mannulio Lucense.*

51\*

*Te Maurum laudamus cum voce e canti,  
Te Dominum fatemur: non più Galli!  
Te æternum Patrem, te vogliamo avanti.*